


華陽縣志

第五冊 卷七之卷十 人物列傳 王氏世族表
李氏世族表 范氏世族表



華陽縣志卷七

人物第七之一 列傳一 唐 五代

段文昌 子成式 張扶 費宗陶

歐陽迴 歐陽炯 孫光憲

王處厚

自三輔決錄益部耆舊汝南先賢河朔人才並用方志之書甄錄人物其來尚矣華陽置縣自唐迄宋雖稱附郭而封略陝隘迨元省廣都始成壯縣予於疆域沿革既詳攷之故哀輯列傳凡唐宋廣都貴平靈池今縣不存而地歸華陽者並搜羅隸入非示夸飾不則一鄉之昔賢茂跡將瓠落無所附麗乎舊志蕪舛不知所裁其

華七 人物一

一 八〇三

可存者十纔一二道咸以後自我攬拾於所不知蓋闕如也凡為人物士女列傳若干篇得人二百有奇世族表四孝義忠節貞列表各一附於當卷之末

段文昌字墨卿西河人 按何光遠鑑戒錄稱文昌廣都人父以油榨為業生而有致長

亦多才物業蕩空文章迴振泊跨衛行卷鄉里笑之歷三十年衣錦還蜀蜀人贈之以詩云蓋唐宋人重郡望如孫光憲本貴平人而稱富春蘇軾本眉山而稱趙郡此例甚多史家或沿而書之文昌為廣都人何光遠在宋世知之必審故錄入廣都 又按唐詩紀事文昌有別業在廣都縣南龍華山俗稱段公讀書臺則亦文昌為廣都人之確證而龍華今在華陽縣境更足證華陽兼有廣都也至書錄解題於西陽雜俎下稱成式臨淄人則尤為差異蓋紀錄之誤時有不免如林罕溫江人十國春秋訛為西江矣 高祖志玄陪葬昭陵圖形凌煙閣祖德皎贈給事中父諤循州刺史贈左僕射文昌家于荊州侗儻有氣義節度使裴胄知

中國農民銀行總管理處
經濟研究所藏

之而不能用韋臯在蜀表授校書郎李吉甫刺忠州文昌嘗以文干之及吉甫居相位與裴垍同加獎擢授登封尉集賢校理俄拜監察御史遷補闕改祠部員外郎元和十一年守本官充翰林學士文昌武元衡之子垍也元衡與宰相韋貫之不協憲宗欲召文昌爲學士貫之奏曰文昌志尙不修不可擢居近密至是貫之罷相李逢吉乃用文昌爲學士轉祠部郎中賜緋依前充職十四年加知制誥十五年穆宗卽位正拜中書舍人尋拜中書侍郎平章事長慶元年拜章請退朝廷以文昌少在西蜀詔授西川節度使同中書門下平章事文昌素洽蜀人之情至是以寬政爲治嚴靜有斷蠻夷畏服

二年雲南入寇黔中觀察使崔元略上言朝廷憂之乃詔文昌禦備文昌走一介之使以喻之蠻寇卽退敬宗卽位徵拜刑部尙書轉兵部兼判左丞事文宗卽位遷御史大夫尋檢校尙書右僕射揚州大都督府長史同平章事淮南節度使太和四年移鎮荆南文昌於荆蜀皆有先祖故第至是贖爲浮圖祠又以先人墳墓在荆州別營居第以置祖禰影堂歲時伏臘良辰美景享薦之徹祭卽以音聲歌舞繼之如事生者搢紳非焉六年復爲劍南西川節度九年三月賜春衣中使至受宣畢無疾而卒年六十三贈太尉有文集三十卷文昌布素之時所向不偶及其達也揚歷顯重出入將相泊二十

年其服飾玩好歌童妓女苟悅於心無所愛惜乃至奢
侈過度物議貶之子成式舊唐書本傳

成式字柯古以蔭入官為祕書省校書郎研精苦學祕

閣書籍披閱皆遍累遷尚書郎咸通初出為江州刺史

解印寓居襄陽以閒放自適家多書史用以自娛尤深

於佛書所著西陽雜俎傳於時舊唐書本傳

張扶字子持廣都人博學善文辭武成初凡幕府書奏

牋檄皆屬扶具草官至兵部郎中是時王宗佶恃高祖

養子驕縱不法一日高祖宴羣臣謂左右曰得一二人

如韓信而將之中原不足平也宗佶跪曰臣雖不才自

願可鞭箠取天下扶進曰陛下雄才大略尚不能得岐

華七 人物一

隴尺寸之士宗佶小子狂妄願陛下無以中原為意宗

佶大慚恨陰令庖人置堇毒殺之後宗佶死贈扶諫議

大夫吳任臣十國春秋本傳案此傳即本蜀檮杌

費宗陶廣都人也世為成都巨族武成時與弟叔熊同

為顯官十國春秋費氏之先居蜀者華陽國志犍為南安有

費貽字奉君公孫述據成都日貽陽狂漆身不仕嗣是

蜀中復有費禕費詩皆名在史傳宗陶叔熊蓋不審何

費後也而宗陶之世稱廣都房叔熊之世則為沙渠鎮

房宗陶子曰順初傳數世至宋尚有以學問著者元費著氏

族譜

歐陽迴成都華陽人父珏通泉令迴少事前蜀後主為

中書舍人國亡降後唐補秦州從事高祖鎮西川迴復入蜀及登極以爲中書舍人廣政十二年除翰林學士明年知貢舉判太常寺遷禮部侍郎領陵州刺史轉吏部侍郎加承旨二十四年拜門下侍郎兼戶部尙書同平章事監修國史常擬白居易諷諫詩五十篇以獻後主手詔嘉美賚以銀器錦綵從後主歸宋爲右散騎常侍俄充翰林學士就轉左散騎常侍南漢平議遣迴祭南海迴聞之稱病不出宋太祖怒罷其職以本官分司西京開寶四年卒年七十六贈工部尙書迴性坦率末年少檢操雅善長笛宋太祖常召於偏殿令奏數曲御史中丞劉温叟聞之叩殿門求見諫曰禁署之職典司

華七 人物一

四

誥命不可作伶人之事太祖曰朕常聞孟昶君臣溺於聲樂迴至宰司尙習此技故爲我所擒所以召迴欲驗言者之不誣也温叟謝曰臣愚不識陛下鑑戒之微旨自是不復召迴好爲歌詩雖多而不工掌誥命亦非所長初在成都日卿相爭尙奢靡迴獨儉素自守人頗以此多之十國春秋本傳 案迴與炯本兩人李調元全五代詩誤爲一人於炯小傳下云炯一作迴蓋誤以迴爲迴又誤以炯卽迴故舊志仍之止載炯而無迴矣歐陽炯蜀人案李調元全五代詩云益州華陽人嘉事慶通志亦云華陽人此言蜀者大名也高祖後主歷官武德軍判官翰林學士中書舍人炯善文章尤工詩辭唐張素卿常繪十二真人像世稱其妙安思謙得素卿本乃於明慶節上獻後主命炯爲之贊

裝潢成帙其見重多此類也炯著有武信軍衙記花間集序傳世序曰鏤玉雕瓊擬化工而迴巧裁花翦葉奪春艷以爭鮮是以唱雲謠則金母詞清挹霞醴則穆王心醉名高白雪聲聲而自合鸞歌響遏青雲字字而偏諧鳳律楊柳大堤之句樂府相傳芙蓉曲渚之篇豪家自製莫不爭高門下三千玳瑁之簪競富樽前數十珊瑚之樹則有綺筵公子繡幌佳人遞葉葉之花牋文抽麗錦舉纖纖之玉指拍按香檀不無清絕之辭用助嬌嬈之態自南朝之宮體扇北里之倡風何止言之不文所謂秀而不實有唐已降率土之濱家家之香徑春風寧尋越艷處處之紅樓夜月自鎖常娥在明皇朝則有

華七

人物一

五

李太白應制清平樂詞四首近代溫飛卿復有金筮集邇來作者無愧前人今衛尉少卿趙崇祚以拾翠洲邊自得羽毛之異織綃泉底獨殊機杼之功廣會眾賓時延佳論因集近來詩客曲子詞五百首分爲十卷以炯粗預知音辱請命題仍爲序引乃命曰花間集將使西園英哲用資羽蓋之歡南國嬋娟休唱蓮舟之引文故廣政三年作也又小辭十七章人亦時時稱道之漁父

歌尤爲辭家所倡和

十國春秋本傳

孫光憲字孟文貴平人家世業農至光憲獨讀書好學唐時爲陵州判官有聲天成初避地江陵武信王奄有荆土招致四方之士用梁震薦入掌書記王方大治戰

艦欲與楚角光憲諫曰荆南亂離之後賴公休息士民始有生意若又交惡於楚一旦他國乘吾弊良足憂也王乃止文獻王立會梁震乞休悉以政事委光憲王居恒羨馬氏豪靡謂僚佐曰如馬王可謂大丈夫矣光憲曰天子諸侯禮有等差彼乳臭子徒驕侈僭汰取快一時危亡無日又足慕乎王忽悟曰公言是也爲悔謝者久之光憲事南平三世皆處幕中累官荆南節度副使朝儀郎檢校祕書少監試御史中丞賜紫金魚袋繼沖時宋使慕容延釗等平湖南假道於荆約以兵過城下大將李景威勸繼沖嚴兵備之光憲叱之曰汝峽江一民爾安識成敗中國自周世宗時已有混一天下之志

華七

人物一

六

卷之二

况聖宋受命眞主出耶王師未易當也因教繼沖去斥堠封府庫以待悉獻三州之地宋太祖嘉其功授光憲黃州刺史賜資加等在郡亦稱治乾德末卒光憲博物稽古先是唐元和中裴宙鎮荊州掘地得一石規模悉倣江陵城制命徙置他所輒淫雨不止仍復舊處天乃霽一日文獻王經其地顧問光憲光憲曰昔伯禹治水自岷至荆定彼泉源之穴慮百世下或有汎濫爰以石屋鎮之耳王大加歎賞益重之性嗜經籍聚書凡數千卷或自鈔寫孜孜校讎老而不廢自號葆光子所著有荆臺集橘齋集玩筆傭集鞏湖編玩北夢瑣言蠶書若干卷又撰續通歷紀事頗失實太平興國初詔毀之光

憲素以文學自負處荆南怏怏不得志常慕史氏之作頗恨居諸侯幕府不足展其才力每謂知交曰寧知獲麟之筆反爲倚馬之用光憲又雅善小詞蜀人輯花間

集采其辭至六十餘篇子謂讜

十國春秋本傳

王處厚華陽人也周顯德二年孟蜀廣政乙卯歲試蜀進士落第獨游淨眾寺寫憂松竹間遇僧緘驟呼之曰得非王處厚乎處厚驚問未嘗相狎何用見識緘曰偶知耳遂說本唐文宗太和初生今一百三十餘歲矣處厚便叩身跡奚若緘曰子將來之事極於明年意言蜀將亡也明日再往尋緘聲沉跡杳又一日忽叩關自來云暫去峨眉結夏方還隨於案頭拈文卷覽之則處厚

華七

人物一

七

×××

試時賦藁卽謂此非君燭下之文何多誑乎探懷出一紙示處厚曰此乃程試真本耳處厚驚竦言試後曾加潤色用補燭下倉猝之過師從何處得是本耶緘曰非但一賦君平生所作皆貯之矣明日入寺訪之攜處厚同謁故太尉幽公杜琮祠坐西廡下俄有數吏服色龐雜自堂宇間綴行而出降階再拜緘曰新官在便可庭參處厚惶遽緘曰知泰山舉君爲司命否然以夙負壯圖未酬前志請俟登第後復檢官祿簿見來春榜處厚名注其間因取紙筆書一短封付處厚誠勿洩攜手出寺而別至春試罷緘來處厚家留一簡云暫還敝廬無復再面也處厚遂折短封視之書四句云周成同成二

王殊名王居一焉百日爲程及榜出驗之中第者八士
一王則處厚與王慎言也處厚心惡其百日爲程語與
同年置酒高會極歡荒亂一夕暴卒其同年生皆夢處
厚藍袍槐笏驅殿而行云

彙括宋高僧
傳感通篇

華七人物一

八

三十一